



Մ Ա Յ Ր Ա Թ Ո Ռ Ո Ւ Մ

Նոյեմբերի 27-ին, կիրակի.—Մայր Տաճարում պատարագեց հոգ. Տ. Արսեն վրդ. Բերեքյանը:

Հավարտ ս. պատարագի Վեհափառ Հայրապետի հանդիսադրությամբ կատարվեց յառավարական մաղթանք՝ Հայաստանում սովետական կարգերի հաստատման 46-րդ տարեդարձի առթիվ:

Նոյեմբերի 28-ին, երկուշաբթի.—Հոգ. Տ. Դարեկ վրդ. Շաքարյանը հովվական աչքերով մեկնեց Բաբու և Կիրովաբադ: Հայրուրբը Մայր Աթոռ վերադարձավ դեկտեմբերի 14-ին:

Դեկտեմբերի 3-ին, շաբաթ.—«Տօն սրբոց ատաբեկոցն և առաջին կուսաւորչացն մերոց Քաղէոսի և Բարթողիմէոսի»: Մայր Տաճարում օրվա տոնի առիթով պատարագեց և ջարդեց հոգ. Տ. Գևորգ վրդ. Սերայդարյանը, «Առաքեալը Աստուծոյ, սինք հաւատոյ կաթողիկէ եկեղեցւոյ» բնաբանով:

Ժամը 12-ին Հոգևոր Ճեմարանում տեղի ունեցավ հանդիսավոր նիստ, Վեհափառ Հայրապետի նախագահությամբ՝ նվիրված Հայաստանում սովետական կարգերի հաստատման 46-րդ տարեդարձին:

Հանդիսության բացումը կատարեց Հոգևոր Ճեմարանի տեսուչ հոգ. Տ. Ներսես Ժ. վրդ. Պողոսյանը՝ ներածական խոսքով:

Օրվա տոնի ազգային, հայրենասիրական նշանակության մասին զեկուցեց Ճեմարանի հայ ժողովրդի պատմության դասախոս Գր. Գյուլյանը: Հանդիսությանը իրենց շնորհալի մասնակցությունը բերեցին Ճեմարանի ու-

սանողները՝ խմբերգերով, մեներգերով և արտասանություններով:

Հանդիսությունն ավարտվեց Վեհափառ Հայրապետի օրհնությամբ:

Դեկտեմբերի 4-ին, կիրակի.—Մայր Տաճարում պատարագեց դեր. Տ. Հուսիկ եպս. Սանթրոյանը:

Ս. պատարագին ներկա էր Վեհափառ Հայրապետը:

Դեկտեմբերի 11-ին, կիրակի.—Մայր Տաճարում պատարագեց արժ. Տ. Հովհաննես քահ. Մարուքյանը:

Ս. պատարագին ներկա էր Վեհափառ Հայրապետը:

Դեկտեմբերի 18-ին, կիրակի.—Մայր Տաճարում պատարագեց արժ. Տ. Հակոբ քահ. Հակոբյանը:

Ս. պատարագին ներկա էր Վեհափառ Հայրապետը:

Դեկտեմբերի 20-ին, երեքշաբթի.—Այսօր ապաքինված և կաղզուրված Դամասկոս մեկնեց թեմի առաջնորդ դեր. Տ. Շավարշ եպս. Գույումճյանը, որը ավելի քան մեկ ամիս բուժվում էր հայրենիքում:

Դեկտեմբերի 25-ին, կիրակի.—Մայր Տաճարում պատարագեց արժ. Տ. Մկրտիչ ավագ քահ. Մկրտչյանը:

Ս. պատարագին ներկա էր Վեհափառ Հայրապետը:



Դեկտեմբերի 26-ին, երկուշաբթի.— «Տօն սրբոյն Ստեփանոսի նախավկային և առաջին մարտիրոսին»:

Մայր Տաճարում Ս. Ստեփանոսի խորանի վրա պատարագեց հոգ. Տ. Գևորգ վրդ. Սեյադարյանը և քարոզեց «մկրտեցար արեամբդ քով սրբով, առաջին վկա Քրիստոսի սուրբ Ստեփաննոս նախասարկավագ» բնաբանով:

Հավարտ ս. պատարագի Մայր Աթոռի սարկավագները, Լուսարարայետ գեր. Տ. Հայկազուն արքեպ. Աբրահամյանի առաջնորդությամբ, ներկայացան Վեհափառ Հայրապետին՝ Նրա օրհնությունն ստանալու իրենց տոնի առիթով:

Ն. Ս. Օծությունը, շնորհավորելով Մայր Աթոռի երիտասարդ միաբանների տոնը, թելադրեց նրանց լեցվել Ստեփանոսի հավատքով ու նախանձախնդրությամբ և նվիրվել Հայ Եկեղեցու սպասավորության սուրբ գործին՝ անձանձրաբեր և գիտակից ընծայաբերումով:

Կեսօրից հետո, ժամը 1-ին, Հոգևոր ձեմարանի հարկի տակ տեղի ունեցավ երաժշտական համերգ, որին իրենց շնորհալի մասնակցությունն էին բերել քույր և եղբայր արվեստասեր Սվաճյանները, Հրաչյան՝ ջութակահար, Սիրվարդը՝ դաշնամուրի ընկերակցությամբ:

Մրազորում կային՝ Բախ (պարտիա № 1), Բրամս (սոնատ № 1), Բեթհովեն (ջութակի կոնցերտի առաջին մաս), Սկոտ (Լոտասի երկրում) և Կոմիտաս վարդապետ («Միրանի ծառ», «Կաբավի երգ», «Կոունկ»):

Համերգի վերջում Հոգևոր ձեմարանի տեսուչ հոգ. Տ. Ներսես ծ. վրդ. Պողապալյանը շնորհակալություն հայտնեց հանուն բոլոր ներկաների՝ այս գեղեցիկ երաժշտական ծրագրի կատարման առիթով՝ նորանոր հաջողություններ մաղթելով քույր և եղբայր Սվաճյաններին, նրանց երաժշտական կատարելագործման խոստովանալից ճանապարհի վրա:

1 9 6 7

Հունվարի 3-ին, երեքշաբթի.— Հոգ. Տ. Գևորգ վրդ. Սերադարյանը հովվական այցելությամբ մեկնեց Բաբու, Ռոստով և Զալդր: Հայր սուրբը Մայր Աթոռ վերադարձավ հունվարի 22-ին:



Հունվարի 5-ին, հինգշաբթի.— «Ճրագալույց Մենդեան և Յայանութեան Տեառն մերոյ Յիսուսի Քրիստոսի»:

Մայր Աթոռում, ավանդական հանդիսությունը նշվեց Ճրագալույցի տոնը:

Մայր Տաճարում, երեկոյան համերգության ժամանակ, Վեհափառ Հայրապետը կարգաց օրվա աստվածաշնչական ընթերցումները: Հոգևոր ձեմարանի սաները ընթերցեցին «Դանիէլ»-ի գիրքը: Ճրագալույցի պատարագը մատուցեց հոգ. Տ. Մուշեղ վրդ. Պետիկյանը:

Հավարտ ս. պատարագի Վեհափառ Հայրապետը եկեղեցական թափորով և «Խորհուրդ մեծ» շարականի հնչյունների ներքո առաջնորդվեց Վեհաբան, ուր օրհնեց միաբանության անդամներին:



Հունվարի 7-ին, շաբաթ.— Մայր Տաճարում պատարագեց հոգ. Տ. Խորեն վրդ. Էլշուճյանը: Հավարտ ս. պատարագի կատարվեց հոգեհանգիստ «Վասն համօրէն ննջեցելոց»:



Հունվարի 8-ին, կիրակի.— Մայր Տաճարում պատարագեց և քարոզեց հոգ. Տ. Ներսես ծ. վրդ. Պողապալյանը՝ «Փառք ի բարձունս Աստուծոյ և յերկիր խաղաղութիւն, ի մարդիկ հաճութիւն» բնաբանով:



Հունվարի 9-ին, երկուշաբթի.— Նոր տարվա և Ս. Մենդեան տոների արձակուրդներից հետո Հոգևոր ձեմարանում վերականգնեցին դասավանդությունները:



Հունվարի 13-ին, ուրբաթ.— «Տօն անուանակոչութեան Տեառն մերոյ Յիսուսի Քրիստոսի»:

Մայր Տաճարում պատարագեց հոգ. Տ. Արսեն վրդ. Բերբերյանը:



Հունվարի 14-ին, շաբաթ.— «Տօն Մենդեան սրբոյն Յովհաննու Կարապետին»:

Մայր Տաճարում պատարագեց արժ. Տ. Հովհաննես քահ. Մարությանը՝ Ս. Հովհաննես Մկրտչի խորանի վրա:



Հունվարի 15-ին, կիրակի.—Մայր Տաճարում պատարագեց հոգ. Տ. Նարեկ վրդ. Շաքարյանը և քարոզեց «Երկնաքաղաքացին Յովհաննես մեծն ի ծնունդս կանանց» բնագանով:

Ս. պատարագին ներկա էր Վեհափառ Հայրապետը:



Հունվարի 16-ին, երկուշաբթի.—Հոգ. Տ. Կրսեն վրդ. Բերբերյանը, հովվական այցելությամբ, մեկնեց Օրջոնիկիձե: Հայր սուրբը Մայր Աթոռ վերադարձավ հունվարի 21-ին:

Նույն օրը, Մենդյան տոնի առիթով, Արշավիր մեկնեց բարեշնորհ Հովհաննես սարկավազ Հակոբյանը և վերադարձավ Մայր Աթոռ հունվարի 22-ին:



Հունվարի 22-ին, կիրակի.—Մայր Տաճարում պատարագեց արժ. Տ. Մկրտիչ ավագ րա՜հ. Մկրտչյանը:



Հունվարի 23-ին, երկուշաբթի.—Հոգևոր Ճեմարանում սկսվեցին 1966—1967 ուսումնական տարվա կիսամյա քննությունները, որոնք կտևեն մինչև փետրվարի 1-ը:



Հունվարի 29-ին, կիրակի.—Մայր Տաճարում պատարագեց գեր. Տ. Վահան եպս. Տերյանը և քարոզեց «Ո՛չ երբեք այնպես խօսեցաւ մարդ որպէս այրն այն» բնաբանով (Հովհ. է. 46):

Ս. պատարագին ներկա էր Վեհափառ Հայրապետը:

